

張文定公環碧堂集

張文定公環碧堂集卷之十二

祭文

祭封太孺人江毋胡氏文

毓西溪之明粹稟性命之泚靈雖居幽而不沫敷芳德  
之清馨佐義方於閨域成令子之修能學汪汪其博洽  
識潭潭其邃精行觥觥其齊飭文燁燁其晶焚際

龍飛而擢第揚翰苑之休聲來設教於留都渥堂背以  
恩榮龍也忝授業於中秘而竒也辱同寅乎司成聞謔  
範之旣稔悼幽謖之早零矧飭新我群史與譽髦我諸  
生皆令子乎是託而忽見棘人之羸形矣瞻信陽之渺

渺悵秋雲之冥冥惟淋德之靡倫擷江籬之菁菁

又率國子監屬官祭江毋胡氏文

萃詞林之喬傑兮來鳴鐸乎江之干麾斗杓以南指兮  
扶天漢以揚瀾思德源而上溯兮識坤闢之真安願鼎  
膏沐

寵榮兮爛霞裳而錦鞶忽哀計之東馳兮慘園橋之衣  
冠駕孤船以西逝兮悲素衣之藥藥嗟六館之依俛兮  
欲挽留而無端矧充棟之羣籍兮又孰爲乎劫於繁  
難渺雲軒其何所兮望川原之溟溟審淋德之不可追  
兮擷岍芷與汀蘭臨清秋而薄奠兮俊邇風以盤桓靈

連蜷其若臨兮庶鑒予之辛酸

祭裴親母宜人暨伯母張孺人文代叔

於維宜人豐容麗德翼勵潔脩安舒靖默言相蒸嘗錡  
鱠是蠲言奉姑嫜晨昏是虔偕貴夫子輝煌象服如山  
如河允康百祿媿媿孺人燕京之秀實恪實慈宜長宜  
幼爰及親隣懃綏篤斐陳饋有饌賓朋至喜婦姑肖德  
長發其祥庭戶肅雍桂蘭森張逾七考終亦食遐嘏未  
艾適徂短脩誰主予忝中表旃姪于歸姻媿世續久席  
餘輝毋範閭儀相繼罔謝漠漠玄罔冥冥長夜崇封若  
堂岳伯是營雙舉翩翩言即佳城我心盡傷薄采其芷

敬薦清觴悠悠江汜

祭翰林檢討西臬先生易公文

登金闈而振興兮日熏予以荃蘭刻琳琅而銜采兮協  
伯仲之篋墳弄烟月於燕山兮凌風雲乎衡嶽極天下  
之雄竒兮而文亦崢嶸乎相角忽舍我其何之兮聖攸  
江而淚落墓草忽其幾青兮悵湖天之漠漠念夙昔之  
交誼兮悲莫爲之傾也天旣畀其祿壽兮又胡奪之嗣  
也遠文炳其在筭兮將未托乎金石讀介溪之銘詩兮  
譬精金其弗蝕歷億祀以無窮兮惟榮名之珍世斯上  
士所大嘆兮惟英靈之或契蹇予身之多艱兮思一奠

而無由托令壻以陳詞子瞻湘雲之邈悠

祭柳汀陸親家文

蚤游郡學繼育成均詩書禮樂淋慎其身寔固關鍵寔  
嚴矩度嗣承先人翼翼庭戶勢而弗怙富而弗侈劑量  
維適約飭維禮礪精宦途允庶且才有所弗屑溢其歸  
來風月媚隣湖山朋舊秩秩威儀楚楚觴豆言迪厥子  
言觀厥成績學立身庭訓之徵維予弱息字于今季亦  
越十載允也知契粵懷宿愛言寄予私緘書千里繡縷  
其詞公未及聞倏其長逝予則疇依徒使心痲越水燕  
山我思悠悠遙奠一觴公其知否

祭封文林郎礪山縣知縣槐庭陸公文

嗚呼童顏鶴髮灑灑風塵望之儵然神仙中人富而不  
侈勢而不肆抱朴任真羲皇上士錫命自天耿光林泉  
備享弗祿迨于百年高朗令終亦復奚憾胡今之人聞  
訃咨歎老成風表一旦長辭四明之陽淳風日漓矧我  
葭莩歡言倚玉公今逝矣曷其來復鄮山蒼蒼湖水洋  
洋瞻望弗及遙薦一觴

祭董天淋人文

惟太淋人之康弗祿也亦既備極人生矣矧茲大耋考  
終而人猶爲之咨嗟悼惜何也太淋人以臯傳德業教

其子少宰公也而天下亦以期焉道方行矣惟讒誣以去

今天子下詔求舊將召置左右而又以太泚人捐養暫阻弗售太泚人弗及親見其道之行而天下之望猶缺豈非天耶某辱少宰之知幸與聞太泚人之德之教三十有六年今也與天下同悲而情有倍焉狂瀾頽矣日淪胥矣視彼驕人蒼天柰何言望越山逖莫就之敬薦溪芹遡風孔僂

祭大尹丘親家文

公游璧雍予初識面三載京華賢聲是羨粵既卒業予



亦歸省孝友循良聞之鄉井予還自荆公以季子聘我  
弱息斯好千祀泱泱錢湖蒼蒼玉几以遨以遊駭核維  
旅留都薄宦公來句容靡月不會壺觴雍雍爰暨崇安  
庶能籍甚陟令宕山萋非成錦謫官魯潘類會金臺白  
壁滿垢公道大開再陟貴池庶展平素一疾遽殂天平  
何故弱息早殤我悲未已尋復傷公燕山汶水霏霏雨  
雪慘慘旆旌孤兒旅汰陰雲四凝大洋溟濛遙將薄奠  
瞻望弗及淚下如霰嗚呼哀哉

祭封君楊太親家文

小江湖之澄泓兮並舜水而東馳襟合乎蛟門之內分

迓大洋而逶迤鄧峰王几萃以嶺空兮橫界湖海稱金  
堤闡闡東矚以啓闔兮翕蓄靈秀涵無涯將駿發乎吾  
人兮乃弘儲而厚垂公淳龐而不鑿兮氣沕穆其無爲  
坦乎直而不回兮澹乎寂而無私避強梁若羆兕兮急  
顛危若嬰兒好賢達若芝蘭兮遠柔佞如疾藜甘棲遲  
乎林壑兮自厚積而博施奕賢嗣之朗潤兮淹貫經史  
弘文詞擢科甲以奮庸兮稟諫垣之聲威苟好萌其可  
折兮雖百死其奚疑抗大疏於彤廷兮就竄謫其如飴  
固直道之不容兮集衆情以羣憐蔽梗楠於樗櫟兮勢  
參雲霞乎陸離雜金沙以槩量兮精光熠燿其焉迷雖

履奮而後躡兮終何歉乎樞鉉之爲期封章燁其自天  
兮賁恩光乎庭闈謂天保之孔固兮將並躋乎期頤鷓  
鳩忽其悲鳴兮痛靈椿之先萎檄計音於荆邦兮交愁  
黛平泠涓紛斑痕於湘水兮蕪暮雨之淋漓公旣食此  
純嘏兮於予懷乎何悲風靡靡其滴醇兮俗冉冉其趨  
卑胡皇天不爲世道計兮而曾一老之不憇遺况蕪葭  
之菲膚兮方瓊華之是依念令子之奔波兮相今茲其  
疇歸迎秋風而作賦兮惜不展其懷也望鄞江而遙奠  
兮孰知予之悲也

祭丘親毋包氏孺人文

維靈出自名閨歸于德門慶源斯濟彞典斯敦婉婉靖  
恭姑璋娣姒罄無不宜禮和而至蠲潔靜嘉尊禮以遵  
以洽爰黨以歆祖先儉以助廉勤以最德歷宦有聲相  
夫之績幼而力學長也圖忠聯翩雲路教子之功三從  
不愆閨儀誰及中道溘亡聞者掩涕予弱息匪奉其  
箒侍範無緣爲我心疚心之疚矣曷維其忘逝續媪好  
未言不爽計傳京邑百感在懷燕山越雲孰知我哀令  
于南奔撼撼風木遙緘薄奠有淚盈掬

祭封淋人陳氏文

維靈毓秀名族温温閨琛來嬪華閨秩秩今在首價爾豆

遵有錄篋簋于祭于賓翼翼堂序榛栗脯脩禮周宗戚  
采荼薪樗恩逮滅獲以相我公內顧罔恤績學揚聲歷  
茲崇秩皦皦玉雪餘三十年周行駟駕孰與之駢進惟  
爲公退不言私不有中贊曷其臻茲蒼被褒章祿食衍  
衍相祀公桑祁祁中閑有嘉儀則未艾光榮云胡遭疾  
奄殞彭城河嶽效靈有川大來聿翼翼官舫于彼行臺毋  
日逆旅偕公赴召族子在傍殯奠有耀百川收潦言返  
靈輻公汰如雨聞者興悲凡我鄉媼夙欽幽泝明月寒  
潭澄空夜玉穆穆重帟洋洋懿靈澗墳溪藻維以薦馨

祭熊少叅文

維公敦龐之資老成之識黃甲蜚聲花封最績爰躋青  
鎖聲光赫奕擢官湖藩國賦是職公帑墮矣急課乃減  
民廬罄矣役稅維良公於其間綜理有方庶以律已慎  
以爲防道阻且修軍需未充王事靡盬竟殲厥躬當路  
聞之咸戚乃容壁毀其質劍摧其鋒矧我共事識公賢  
芳今也云徂旅魂蕭蕭漢江秋矣言采其毛將我哀悽  
神其孔昭

祭封太安人閻母何氏文

嗚呼人之恒情當患難窮阨之時必有所勸而後勵若  
太安人者尤足以勵斯世也方其前路後顛左支右拄

乘一心之孤危徭萬狀之劬勤是特以盡人道之綱常  
而何寵榮之復冀也已而華要子躋恩光身被徵天道  
之罔僭懋人情之樂義是生也不為無益雖死亦復何  
愧而人又咸為之傷嗟邪夫既以德而獲福則使之享  
眉壽而駢光華以使人歆艷於無益寧不愈足為斯世  
勸而天曾不少憒遺焉此又不知若之何意也子既辱  
交於令子收百一之知心德氣夙成固以徵夫善教而  
周旋稔熟實倫聞乎令音登堂未遠哀訃俄臨聞玄堂  
之將即天漠漠其重陰奠絮酒而陳辭惻子心之孔溪

祭陸親母楊氏文

維靈耀且溫且惠淋慎以虔于嬪名閔儻爾且遵眇予孫  
弟蘿附有年秩秩德音逮于姻媿二子霑

恩諸孫森秀式燕且康以躋稀壽容髮未衰福履斯茂  
溘焉長徂胡弗少逗昔也京師視我耄慈燕言終日柔  
嘉令儀將毋于南治醢及醢擬接魚軒歡我庭幃登堂  
問疾計音隨聞祿養弗終陰風載昏靈輻倏駕鏡水之  
濱莫釋予悲薄言薦芹

祭外舅松浦王公外姑汪氏文

於乎清朝逸老舊族耆儒灑灑遺風松陵竹塢靜惠且  
溫相維淋德借老考終歸此玄宅奇也髫齡薦縈于喬



五十七載儵如崇朝離合悲歡生死歌述百感在懷悵  
其何及昔也登堂燕酣有恣今也來斯情如靡至京華  
十載肅

命南歸言省其山宿草萋萋薄奠林醑侑以蕝薇悠悠  
建溪曷旣我悲

祭外祖沈公外祖母何氏文

維沈族之當宋季有駢徽於紫陽牒靈宗於四百紹詩  
書與田桑粵我公之承緒實敦信以淳龐每捐已以脫  
人鄙多蔽而厚亡邦竒束髮登第金闈玉堂垂四十載  
致身巖廊顧孱昧其何能惟九瞻之習嘗矧魏舒之徵

宅相與鍾蔡之庇荀羊皆席芳於外氏克流譽於多方  
惟公自奉弗羸遺餘益長邦奇是以獲被休嘉未懷不  
忘者也念私情之日迫辭

帝閭以南翔將百齡之壽毋踐數千里之車航望鄉山  
乎至止幸慈顏之樂康覽遺德於河橋來烏石之長岡  
舅氏耄齡猶好古圖書條然俱在床感十載之睽離笑  
耆甥之斑裳潔尊彝而上隴覩原樊之荒涼思酬德乎  
未能仰窅玄而盡傷

祭徐氏妹文

於乎吾妹乃竟至此極也吾嘗謂汝質柔而良性勤而

儉困而不怨逆而不尤此固人情所難矣天性獨異謂  
宜終享菲祿而竟至此極於乎哀哉送我西津遂成永  
訣見汝無期肝腸崩裂於乎哀哉容顏在目聲音在耳  
晝則汝思夕則汝夢我生不肖汝生不辰哭籲皇天此  
痛何極且吾親年日老兄弟終鮮乞官外服固謂少遂  
娛侍之心而汝又至此顧使吾親含悲於千里之外天  
其何以阨我若此之極邪吾母就養二年之間朝夕念  
汝聞汝有疾則皇皇終日至稽顙北辰而竟無救於死  
也天平悲哉吾年未四十而哭吾兄與妹已二人矣身  
益以單痛益以切吾亦何樂於生邪固知早濫科名空

叨廩祿無才無德負罪積愆天其以移罰汝躬而傷吾  
心邪於乎尚忍言哉病不及視死不及聞汝徒有死於  
汝何益遣使歸祭助營汝墳關山阻脩骨肉分割痛不  
可言靈其監之

祭徐氏妹墓文

於乎乙亥秋季我實西行維汝送我相顧涕零汝生弗  
厚又嗇于齡計傳鄂渚五內摧崩父母憶汝雙鬢繁星  
今歸視汝墓草四青於乎天哉實將我膺茅山之楸江  
水泠泠殺差孔時旨酒既清汝母兄嫂聚如平生魂乎  
來歸歆此芬馨於乎天哉孰知我情

祭喪氏妹文

維嘉靖二年歲次癸未六月庚子朔越六日乙巳吾妹  
二孃于卒之四月有九日也兄適有提學四川之命重  
勅及門既三越月矣不得已卜日戒行乃以潔牲清醑  
奠于靈輒之前而哭之以文曰嗚呼吾年四十三哭同  
生及汝之死愈傷我情昔我遐歸含悽相顧今我西征  
有哀誰訴汝之聰明人鮮能及揆事出言勝謀於邑相  
夫成家有志弗酬憂勞孰恤命也誰尤我形既單辭親  
萬里豈期斯時天又殲汝庭闈痛哭襁褓悲啼倏仰身  
世有淚交頤嗚呼哀哉

啓攢告王孺人文

吾平生急於君親以累吾子之至於斯也幽微委曲非  
子孰知喪棺旅閣聿將及暮萬里悽涼生死同悲卜吉  
啓攢言旋言歸爾夫爾女咸在可依山川阻修勿驚勿  
疑嗚呼哀哉嗚呼痛哉

代父親作祭灶父文

惟我祖先敦善履素七葉于茲書香猶故惟汝聰明形  
神秀露妙理玄詞能思善悟皂白常明奢豪弗務書法  
鍾王詩宗韋杜旨哉笑言洒然風度合也予歡散則予  
慕自爾云徂出入誰呼豈無他人不如同父江月窺簾

巖花當戶誰與傲游慰我衰暮日月載陽靈車即路來  
隔冥臺終莫回顧爰率諸兒與我諸婦哭奠楸槩有詞  
莫吐至哀無文鑒我衷悽

焚黃祭祖文

奉承先訓竊位于

朝祗奉

郊恩有此褒贈祿不及養摧咽難勝謹以剛鬣柔毛粢  
盛醴齊用伸虔告

贈泚人王氏焚黃文

自念夙資懿德竊位于

朝祗奉

郊恩有此褒贈寵祿弗偕痛惻曷勝謹以清酌庶羞用  
伸虔告

祭兒子子球文

阿翁以酒菓飯羹祭于 故男仍十甫告之日近日爲  
欽造祖塋加土四旁念汝墳基低窪慮傷水濕擇今吉  
日啓壙增高求奠無極汝其安之勿驚勿恐

又

嗚呼五歲遠父七歲委土我實何辜汝實何辜孰知我  
悲天乎天乎凡汝所親祭汝哭汝汝性實靈尚克歆之



祭介女仲莊文

吾女數千里相隨期靈祿食之榮而我之不德不足以  
庇汝乃遽見汝至此極也悲乎悲乎昔我宦游四川汝  
時七齡見我出門啼號不輟既而睽隔萬里音信杳然  
每聞鶯鶯有聲則喜動顏色曰蜀問其庶幾來乎今茲  
象處京師則何以舍我去也嗚呼痛其尚忍言哉柔慧  
靜默恭畏慈仁稟性之良而賦命之薄殃實自予汝則  
何咎汝朱氏舅歸自京師託令返觀兼使官胥家老在  
途扶護汝其依之以歸勿驚勿恐將俾汝封殯汝祖塋  
之廬擇吉葬汝祔之先母之山之陰祀于祖祠其永安

之今汝祖母父母及汝妹弟哭而餞汝痛割衷腸涕淚  
如雨尚其歆之

又

維嘉靖十四年歲次乙未九月己未朔越三日辛酉吾  
仲女二姐既沒暮年之忌日也先期其父甬川翁于京  
師官舍遣使賚俸金南歸托十八疋備牲醴庶羞率其  
諸弟兄弟姊妹祭之喪次日嗚呼吾女之亡聿茲暮歲  
南望興悲衷腸如割今將葬汝祖塋之西未即幽居還  
靈祠室汝其安之勿驚勿悸嗟我不德不能庇汝致汝  
殒殤籲天何益庶賴祖德膺汝幽冥我心孔傷髮日添

白遙遙江山慘慘雲日酒菓飯羹向來歡之

祭祖考文

邦奇幸承善慶竊祿京師不獲瞻掃

先隴十年于此矣私顧情迫達于

宸聰欽蒙

恩命改南京吏部尚書得奉九齡壽母便道過家謹以  
剛鬚柔毛案盛醴齊祗薦于

封塋之下仰懷遺德感愴曷勝

京邸聞嫂喪三七日撤靈祭文

去歲臈月十有七日有鄉人從鄞城來言我嫂即世城

中親友俱赴吊於家老母而下無不驚痛悲慟至今年  
正月十有一日家書始到知以九月二十六日病終十  
一月二十七日已合葬我兄之墓嗚呼傷哉近方求文  
具儀為今年六十壽詎謂遽至此極城西拜別詎謂來  
不復瞻見也且壽止五十有九而守節之年三十有四  
於乎傷哉惟邦奇積罪戾天降割于我家不勅遺我賢  
嫂以支持家政以範儀邦族於乎傷哉邦奇哀號罔措  
上疏乞歸圖獲拜哭柩前以襄大事而

主上不允莫可柰何已別為文具奠托二弟代祭于家  
維茲几筵不敢久留謹脩薄祭告撤于神靈嗚呼燕山

越水瞻望渺茫不知神靈知平否耶嗚呼哀哉

祭丘嫂旌表貞節林氏孀人文

嗚呼昔我元兄來京視弟扶疾長途遂終逆旅籲天何辜痛割背膺嫂哭屢絕聞者涕零祭兄京邸矢言于天毋事嫠嫂以終天年嗟予仕途時起時止喧慶將迎紛其多故嫂實支持適滋劬苦子球後兄庶安孀孀恩斯勤斯七齡而亡咎實在予適滋痛傷考喪告闋將母而西嫂送西津泣涕交頤曰姑往矣予將疇依人之于仕骨肉焉脆我於兄嫂秣以戚詒嗚呼昊天曷旣我悲悠悠七年求歸弗得近聞膺疾舉家悽惻巳亥蜡月先春

二日鄉人告哀云至斯極彌慟老慈立見毀瘠爰扣  
帝闈陳情孔棘

帝乃眷留曰勉供職追惟矢言二十五載於乎昊天毋  
事何在為位而哭婦子咸同爰命子中服衰執桐告弟  
邦韶謹奉几筵喪事卜期待子南旋先集梵衆齋薦必  
虔以奉吾嫂平生之言嫂完大節扶世綱常旌于

明廷風此鄉邦不盡耿光于林于張以觀吾兄于何弗  
臧生前艱阨身後餘芳茹辛日短流芳則長年重六十  
溘焉以亡擬進壽卮乃舉奠觴緘辭孔悲季弟是將瞻  
望鄉山靈其洋洋

祭福建布政司左叅政牀祖葵軒翁文

嗚呼淳風日逝疇其能挽邪厚德如公竟往而莫之返  
邪宗戚何賴鄉邦何所範耶嗚呼忠信公直可以動鬼  
神孝友睦婣可以革澆悖苦心劬力以光紹祖先而尚  
禮崇儒以懋昌後嗣斯公所以亢吾宗而歆動乎斯世  
者也然而褒誥頻錫容儀益見其謙愉祿養三品服食  
不離乎菲敝成人之美常致其悃誠憫人之窮必曲為  
周濟宰木凋殞而慎以栽培猶子徙居而悽然掩涕挺  
乎不可拔者持身之嚴皓乎莫之溜者隄誘之備善惡  
微而必辯恭畏老而弗替斯公所以享天心而優游以

卒歲者也嗚呼哀哉昔吾父妣與公聚處不惟罔間於  
言而猶莫逆於心蓋攻惡猛於攻毒積善勝於積金封  
植恢拓匪今斯今失怙多年每不勝其悲惕而計從東  
魯復爲公以霑襟嗚呼哀哉癸巳拜違粵茲九載德音  
不忘手書皆在每欲奉大耋之親歸侍公平槎水之濱  
而公會不吾待也嗚呼哀哉夫東魯蔽蒞之陰人皆仰  
公之遺惠而越山之陽精靈弗沫使少壯之士咸克保  
慎如公尚亦可以永翼宗門無淪胥以敗也係官京師  
靡由射酌遙瞻陳詞遡風孔僎

祭妣父東軒公文



嗚呼叔父平生無疾老乃益康竊謂眉壽未涯詎意遽至此也嗚呼叔父生太平之世七十有二年壽不爲不高矣親見其家舉進士三世諸弟績學馳聲登庸有待而烏紗白髮逍遙林塘之間身不爲不榮矣孝于親睦于家洽于姻隣罔忤于中罔累于物心不爲不樂矣無疾而考終奄焉而仙逝夫亦可以無復遺憾而計傳燕京不能不盡傷心念自拜違十載日詢動靜於父手書數至秩秩教言周詳而慨測蓋自昔猶子之愛歲久而益篤地遠而愈親也而今則已矣邦奇每思請告南歸庶幾率諸弟稱觴歡叙如平生而今又已矣藕池槎水

追隨履杖之思終天而止矣京邸數口朝夕聚哭吾母  
年九十有一每哭必哀此乾坤何等光景實欲奮飛南  
之顧徃徃羈體不得去南瞻越山極欲撫棺一慟而未  
由也

祭冢婦陸氏文

甬川張翁歸自京師時冢婦陸氏孺人亡已百有七十  
日冢男子中權厝其柩於其先姑王淋人墓次又百有  
旬日矣爰以牲醴庶羞奠於墳所哭而告之曰嗚呼靈  
淋性生柔嘉夙習來歸未幾而姑悅其順夫宜其則宗  
鄰媼戚胥稱其賢蓋八世嫡宗爾惟冢婦謂當克昌我

祚胤光大我宗祊詎意僅十旬而病病六旬而沒也嗚呼哀哉予以非德久尸祿位實維自速罪戾以災于厥家不然天既與吾兒以女士矣又何奪之遽耶何貞資淋德踈戚交贅而神顧莫之祐耶二十而後結縵疾曾未之前聞何甫入吾門而遽至是耶且吾耆而婚男亦云暮矣榛栗未交於庭而計聞數千里之外人生寧有是耶我來自京扶耄携倪跋涉山川憂勞孰知封港之阡草露既凄聚而哭汝有淚交頤

癸婿告文

邦竒負土爲墳壘其婿余憲孫秀才自丑至酉墓乃上兒

成以牲醴之奠哭而告之曰於乎明明上天莫可告語  
曷怨曷怒降割於汝汝父不汙我心不疚端良靜默汝  
罪何有我女少孀灰心仕途屢疏懇乞改官留都得歸  
葬汝祖墓之側虛其左穴以俟終極吾女蓬垢堅守空  
房如幽如囚厲節冰霜百年嫠婦三尺孤兒曰惟依我  
我亦既衰瞻仰昊天欲叩胡階白日江山視我衷懷嗚  
呼哀哉嗚呼痛哉

哀辭

丁魚靈母夫人哀辭

懿栢臺之脩操兮金百鍊以成剛  
澂湖湘之洪濇兮凜杪秋之飛霜  
邈覩節之所由兮曰端教之自昔  
惟淋靈之自天兮允柔嘉之惟則  
飭閨門使肅離兮相靈以率德  
躬細大以必親兮劬且晝其焉  
敦覩紛艷其若晚兮曰予脩姱  
以為飾惟養蒙之自幼兮觀感  
必於其所親背內則之匪貞兮  
白墜化以成塵世脂膏以相賢  
兮民風曷由其再淳觀風火之  
自出兮對逝景而傷神

顧發齋祖哀辭

發齋痛其祖貢士路死爲立此墓詩卷

望茅山之崇崇兮悵關河之悠悠糾冥魂之何所兮咽  
文溪而不流吁嗟白璧兮毀於秋草哀原執求兮遐哉  
天道烈烈孝孫兮痛切衷抱吁嗟先生兮中道而天結  
束帛以棲魂兮封若堂之峩峩阨厥躬以昌後兮耿餘  
光之不磨死者孰不朽兮塋丘園而謂何

董孺人哀辭 有序

孺人董氏承仕郎薛君之室也薛君之姊爲子從王母  
恒稱孺人之賢不置以謂自筐篚豆籩針縷服御無巨  
細咸極精好自舅姑奴婢內親外嫻以迨臧獲之屬無  
遠近貴賤處之咸得其宜夫嘗被誣陷罔圍族黨乘

時逞兇毒肆情要索日旁午於庭孺人一身外給獄狴  
內應貪殘咸克周旋處之事既白乃復以義命言諸夫  
子平風憾焉而庭戶之間遂無復嫌釁隣嫗以物來售  
者家人或廡其直孺人察而盈之曰彼以窶乏來柰何  
抑其估也蓋慧性夙成又頗通書史識理道故動適人  
意予從王母之終節也予年十有五當其時已能耳熟  
其言而心識之比長拜孺人于堂德容靖嘉寔符所聞  
又數年還自湖湘則既聞孺人卒矣其子郡庠生曰洪  
曰治方以善居喪稱于鄉蓋吾鄉近歲禮教日弛父母  
歿未幾輒啣盃聽絲竹燕會賓客詡詡言笑如平時蕩

焉無復檢柙天與民彝泯亂殆盡而孺人諸哀乃克脩  
古典根厥天性用是蓋益徵孺人之賢孝而知天道之  
可謔也然以孺人之德宜享遐壽迨祿養未儀于鄉  
未艾而歿聞者惻焉泚德懿行鄉之士既爲之狀考  
以傳于親屬也故作哀辭以舒予哀而宣之鄉邦以  
坤貞之化云

漢醇儒之苗裔兮立天常於明之陽歷千祀以廟食  
族蕃衍而彌昌昔嬪京之垂裕兮曰來自乎殷商健  
之泚靈兮謂祖考之遺芳植蕙蒞以盈室兮芳霏霏  
滿堂鷓鴣忽其哀鳴兮又申之以嚴霜芳萎絕而不



張文定公環碧堂集卷之十一  
今猶遺芬其襲裳感風火之自出兮識媯汭之攸行  
蠱內而外完兮孰崇麝而弗馨風靡靡其日化兮  
杳其無方於乎已矣兮將何日而能忘

張文定公環碧堂集卷之十一

張文定公環碧堂集卷之十三

字說

曹子和字說

曹子和者四明郡佐什加曹侯之介公子也桐名子和字從侯游湘中數年學既成奉其母夫人歸蜀介儒士何廷輔徵字序於予予時自蜀還越四年爲中庸傳適成因舉其說以告之其畧曰蓋天下亦有和而已矣適於時無戾於物之謂和故曰中也者和也中節也天下之達道也天地之間泰和充焉然雨暘寒暑少愆于度即災沴見人之身榮衛脉理相調相攝焉然升降虛實

少失其平即疾痰作是故萬物不和不生萬化不和不  
行故君子內省不疚和吾內也無惡於志和吾志也合  
妻子翁兄弟而後父母順和吾家也是道也大舜得之  
以若皇天文武周公得之以憲天下夫孝德之和也格  
于天曰大孝通于人曰達孝和之至也記曰斯湏不和  
而鄙詐入之鄙詐入則父母兄弟或相胡越而况喘息  
通天地哀樂同萬物乎故君子之贊化育也謂其與天  
地相嗟吸者也與天地相嗟吸而無相隔戾故曰天下  
亦有和而已矣山林原隰稱美材者以百數而桐爲之  
最桐乎桐盪其稟泰和之精粹者乎故鳳凰弗桐弗棲琴

瑟弗桐弗善也夫朱絃疎越奏之清廟人神和鳥獸舞  
蓋桐之爲用以和召和者如此西蜀天下之多材處也  
况穎秀如子和者耶爨下之聲當不遺知音之耳而况  
將奉恭翼翼於高廟之上乎予之傳中庸也方以堯之  
協和聖海內士况蜀士於予有一日之雅耶子歸試以  
吾言語之宜必有和而鳴者

戴生宗達字說

戴生鍊字宗達有美質吾弟良甫輩及表弟梁履常者  
比其友也一日遂介焉以其字請說於予予方倦於多  
言謝不敏已而請益勤乃盡其說而告之曰一身而為

萬化宗其習於道乎好通而惡窮非人之情歟吾觀於  
人遇小事索索遇大事矍矍變起於尊彝而患生於衽  
席鍊弗豫也王褒有言精鍊歲於鑛璞夫物有以百鍊  
而成而况於人乎化工之陶鑄吾身也貴於物多矣因  
循玩愒而不加脩五官四體日以頽敝而不知檢問之  
則曰人生幾何孰能無媮卒使之與朽株腐草者類而  
曾不一動心焉嗚呼其惑矣九折肱而成良醫鍊於醫  
也吕梁之水懸濤數十仞出沒其間而神不變鍊於水  
也一朝解牛十二而銛刃若新發於硎鍊於排擊剝割  
也夫藝有以精鍊而熟而况於道乎道無物而不體物

物而更之如日不足何不然卑者可以引而高也近者  
可以推而遠也故君子厚其本措之天下裕如也患弗  
鍊而已矣是故禮義以爲範事物之交以爲火精神志  
意以爲鍾故有分蒸晝粥之勤而達於經濟之略有不  
爐不扇不就枕蓆之勞而達於陰陽之數夫君子不苦  
於鍊其惟有樂於達乎故有賤其身以貴之窮其心以  
通之苦其志以樂之雖然鼓而籥之欲其疾消而融之  
欲其徐防之欲其周而鍛之欲其熟故入而以賢父兄  
鍊出而以嚴師友鍊晏安醜毒警吾心在順而以順鍊  
困窮藥石堅吾志處逆而以逆鍊黜而惰慢去而險躁

卷之六 吳生伯近字說 三十一  
寵者化而精也弱者渝而剛也生者馴而熟也夫如是  
奚爲而不達

吳生伯近字說

正德辛巳十月辛卯克俊吳先生冠其子遠將以十一  
月巳巳醮之奠鴈焉遠字伯近冠之日先生實賓予故  
其門人以字說請予世於伯近爲通家其伯父父兄皆  
明經有德行進脩之序宜聞之熟矣予復何言哉雖然  
伯近禮成三加且將有室焉成人而處人倫之始胡可  
以弗重諸君之請蓋朋友相成之誼雖不敏胡可以辭  
爲之說曰禮之在我未始有遠近也其寓於物接於身

而遠近殊焉勢也天地民物皆備於我舉六合而一事  
弗能吾耻也爨倫日用尤切於身即閑闔而跬步或違  
吾病也狂夫之志遠其遠也荒俗士之慮近其近也陋  
墨子兼愛知遠而不知近也揚子為我知近而不知遠  
也古之君子求諸近而遠者存焉吾嘗稽之矣易之上  
經首乾坤言萬物之本乎陰陽也下經首咸恒言萬化  
之基於夫婦也書之首篇堯將禪舜以天下也而曰觀  
厥刑於二女則堯之所以協萬邦不有自也歟詩之周  
南始關雎而終麟趾召南始鵲巢而終騶虞蓋夫婦之  
道得則王者之瑞至而天地之和應矣古之君子求諸



近而遠者存焉固不易之道也而人情顧忽近而圖遠亦庸有至焉者乎君子者於其所易忽而恒致謹焉是故其涵養有素其經綸有端涵養有素則性日定經綸有端則慮日審是故施之兄弟而友施之父母而順施之朋友而信施之天下國家無不得其宜大之至於感神祇微之至於格鳥獸皆於是焉始而孰謂近可忽乎伯近茂於天資習於家訓望而知其爲遠器也邇者受命於尊翁行冠婚之禮於久廢之日復先王之典振習俗之陋其志豈不遠也傳曰宜其家人而後可以教國人亦嘗求宜家之道乎南軒張子宋之醇儒也其告朱

子猶曰居室之間非過於嚴即流於和學問如南軒奚容有此彼蓋於造端之地深求而屢省一毫未至則其心歎焉不自得其志於堯舜文王孔子之道乎堯舜文王孔子之道至遠而始於至近故孔子謂伯魚曰汝爲周南召南矣乎人而不爲周南召南其猶正牆面而已也歟伯近趨庭之時試以予言質賢父兄亦以爲何如也

秦生思魯字說

無錫秦生思魯今巡撫湖廣都憲鳳山公之子也弘治壬子公方卒業太學而思魯生因名曰泮泮者古諸侯

饗射之宮水半達之即今之學宮也及生之冠也公侯  
董學政于河南僉憲白公士珍者公鄉友也即賓佐而  
字生曰思曾蓋泮水之詩固以爲曾侯頌也先王建國  
於天下莫不有學獨以曾言何居禮樂至周而大備而  
曾又秉禮之國也周公相成王監於夏殷制作之盛郁  
乎懋哉不可尚矣周衰幽厲興而禮樂墜曾周公之後  
也是故禮樂傳焉詩曰思樂泮水樂其有禮樂也孔子  
生於曾夢想周公歎曰吾從周孔子之道非周公之道  
與我

國家設學於天下天下士羣而育焉法古道而應當

之求舍會其何適顧夫風氣日漓士惟利祿之徇方其  
誦而習也其心固謂古之道無所用於今姑將以是媒  
吾欲焉而曾莫思其道之切於身也則其出而致用尚  
安望其釋私念開誠心躬吐握之勤而徇國家之急卓  
備光明如古昔聖賢之爲乎我鳳山公以不世出之資  
力志復古洛之人士霑化育而騰聲華加多乎疇昔今  
以內臺重職撫於湖湘尤悉心于富教窮夜且疲精力  
不敢暇豈惟湖湘賴之而文明天下方繫屬吾人之望  
焉蓋公之志已見於命名之時而白公其徵諸在洛之  
日矣思僉遊郡庠承家學于茲有年予聞其人英敏而

端慎見其文雄深而後偉則固足以繩公芳躅而公之  
覽揆不既致審於初度矣乎夫禮樂者陰陽之理天地  
文明之德而咸萃於吾身莊敬而端詳品序秩然禮也  
適於物不拂其宜樂也舍則淋諸身用則施諸物昭當  
世而垂無窮夫聖賢大教所望於後人正惟在此後之  
人謂古道不可行置而不用弗思而已矣且士之脩於  
芹泮固將以爲天下用况賢如思魯者邪魯之道具見  
於今誦其詩讀其書反而求之性情文明之懿不在魯  
而在我有欲用之將於是乎賴此固公之所爲教而思  
魯所嘗熟思焉者予何庸贅

惲生子進字說

憲副東麓惲公將冠其子泉賓予予字之曰子進告之  
說曰夫泉至靜而動至實而虛其原遠而積深靜而動  
故不禦實而虛故流而不盈原遠積深故其施無窮焉  
入不禦者勇也不盈者漸也深且遠者本也勇以出之  
漸以行之本以達之是故天下之善進者莫如泉惲生  
濱大江而居荆湖漢沔之間又其所從游焉也邇大川  
而探其源可以知泉之善進矣岷嶓之間正出口檻泉  
垂出曰沃泉穴且及曰洳泉其未出也浸灌停畜不知  
其幾千里也其出也汨汨焉其行也圉圉焉然後滙而

為川沛而為河會而為湖放而為江為瀆又不知其幾  
千里也而達於海人之生也冲漠為體不亦靜乎神明  
為用不亦動乎方寸之地萬善內融不亦實而虛乎配  
德於天不亦深且遠乎是故全天之性惟人形天之道  
惟水語曰逝者如斯夫言水之進而不已猶天之不已  
也失其性者氣勝則熾情勝則滯逐外則亡受物則蔽  
夫懦者不可與有行也躁者不可與有成也徇於近者  
不可與圖遠也苟若是雖日從事於學譬則築河堤障  
屋留將枯涸之無日其何進之有君子之學也強力而  
遜志聲色臭味晏安之私得喪毀譽之變不足以移吾

心曰強彞倫事物禮樂之道曲究其方而誠以應之曰  
遜強力故不倦遜志故德日積是以在邦必達在家必  
達既其極也達之四海焉達之萬世焉是君子之善進  
學也亦厚其本而已矣厚其本而天地之性復天地之  
性復而進進無窮焉易曰山下出泉蒙君子以果行育  
德果行勇也育德漸也崇其本之謂也君子之善進學  
也其惟有法於泉乎惇生端且厚謙冲而明達其爲文  
充暢而有思致命名之意固欲生不已於進也字而爲  
之說盡其方也告以冠責其成也惇生其未受之哉生  
對曰敢不承命遂書以歸



戴時化字說

戴君時化者其諸昆皆擢科第振聲於時次且及君君  
在郡庠亦既有名矣君名鰲時化字也蓋其尊翁秋官  
先生所覽揆而厚望焉者時化不予鄙屬其宗人秉誠  
先生來說於予而予爲序曰書曰惟聖罔念作狂罔  
克念作聖夫性有常而念慮無恒人顧變化何如耳物  
莫不有化鷹化鳩雀化蛤雉化蜃鷄化鷗田鼠化鴽  
化鳧老踰化猿然未有大相遠者惟鰲之在淵也經  
得加焉緝餌得致焉幸而脫焉而沉滄波友蛭蠃未見  
其貴也及其化而爲龍超然騰乎玄間轟風霆翳日月

沸百川盪陵谷群植奮百恠伏鱉不亦善化矣哉人之  
生也明動而晦息其異於虫魚者幾希然有人焉名聲  
溢於華夷而天下莫不承其風謀猷發於朝堂而萬物  
莫不被其澤鈞是人也而為龍為魚其異如此亦顧其  
變化何如而變化之機在念不念之間何者人身至微  
也其心之體至大也徇其微則微矣徇其大則大矣是  
故君子求其所性者於天而絕其所徇者於人勝其氣  
易其質革其習凡夫生於其微者汙而蕩滌焉滯而消  
融焉及其至也惟吾心之欲為而道是由焉是人而天  
者也人而天者去人而復其所以人夫是之謂善化雖

然人之生也少壯未幾而老耄隨之是故君子成已成物必及其時焉蓋鰲也以全其神而躍也不淫於其外是以能隨時而弘化是以造化存乎我

于生子充字說

于生光亨字子充質美而勤師吾友孫克昌克昌為之以字說請予乃言曰世固有昧昧而居俵俵而趨者矣非好惡與人殊內不足也易有之黃裳元吉夫惟美積於中斯文見於外矣中不足而求裕於外猶持漏卮而求盈也且夫簪井不可以澤人未滿之弓不可以施遠流潦注而先崩必境下之壻也飄風暴雨至而先蹶必

枵中之木也昔者晏嬰常為而不置卒顯齊君而梁立  
據歎其不可及甯越學十三歲不止而周威公師之是  
故水積成川而蛟龍生焉土積成山而草木茂焉君子  
之於學也取之遠近求之俛仰考之詩書詢之父兄朋  
友儻勉以崇之優游以受之私而畜之慎而守之夫然  
後見而人敬施而人悅導而人從閔於中而弗肆於外  
未之有也故君子懋於學而已矣夫黼紱冕裳非一蠶  
之絲也麗日之崇宮非一木之枝也良賈之肆萬取而  
萬足非一方之賄也于生亦懋於學而已矣

周生仕瑚仕珮字說

周貢士元晦字其仲氏之子仕瑚曰廷器仕珮曰廷和  
其館甥朱世昭氏主塾於甬川子為之徵字說以贈甬  
川子曰適用之謂器諧物之謂和器言才和言德也天  
之賦才德也惟人莫良焉而人顧有弗適於用弗諧於  
物者是自廢其才自戕其德者也自廢其才人亦必廢  
之自戕其德人亦必戕之廢則窮戕則凶於戲可不懼  
耶君子懼夫廢於人也達其才懼夫戕於物也厚其德  
才達則器德厚則和殷之六瑚薦棗明於宗廟質美而  
文章燁焉器之善也珩璜琬琰比德君子而節其趨踰  
協肆夏諧采濟和之至也故君子有弗器器必為瑚有

弗和和必爲珮整存乎內而謀猷見於外資之深伏  
之固施之利夫是之謂令器去而慍淫消而忿悵孝於  
親友於兄弟推而達之博施而兼濟夫是之謂至和是  
故器有美惡爲其美和有大小務其大周生勉乎哉伯  
父命之親友期之其亦充而才懋而德交脩昆弟之間  
使爲世所重且愛也不亦休乎周生勉乎哉

陸淵伯字說

陸生名冲字淵伯問說於予淵之爲說予蓋難言之既  
而曰非陸生誰其發予乃爲說曰淵水之深不可測者  
也今夫類天之體全天之道天下蓋莫淵若矣是天一

之所生也形而不可膠也物而不可執也其諸近乎形  
而上者耶黜乎無色淡乎無味泊乎無所爲靡靡乎日  
下趨而不競謂之冲淡投之無弗入也探之無可極也  
湛乎澄明而不見其或窒也謂之冲虛無微不徹無間  
可隙渾渾乎達四海其若一謂之冲融堅者得之或以  
柔䟽者得之或以繆隨曲隨直隨博隨窄隨緩隨亟無  
入而不適兼利萬物而不見其跡謂之冲和至哉其淵  
之德乎子思贊至誠曰淵淵其淵贊至聖曰溥博淵泉  
是其在天也爲無聲無臭在人也爲不顯篤恭是故君  
子之學也始之乎淡而不厭簡而文溫而理終之乎篤

恭而天下平體夫淵也體夫淵者體夫冲也淵冲而天下之理得矣不然嗜慾深天機淺雖施於兄弟妻子吾見其病也其能通天下之志而無間乎淵伯明睿而質直博學而謙虛其植本也深矣舉而措之吾見浩乎其沛然也夫惟不物之物然後能物天下之物行當於淵伯乎徵焉作淵伯字說

陸甥宗仲字說

陸甥名滄始冠字惟翰適由郡庠卒業于太學委禽於予遂館于邸舍其兄淵伯以書屬予請更字焉予按括地志水出蟠冢為沮為養為沚為漢至均州為滄浪水



故滄浪乃江漢之別名書曰江漢朝宗于海海亦曰滄  
海然則知所宗與見宗於天下皆滄也乃更其字曰宗  
仲而爲之序曰語曰因不失其親亦可宗也然而人心  
不同如其面焉知見之殊意好之偏習尚之徃形色之  
眩聲氣之別萬不齊也是故馳騁而多歧者似能矯偽  
而閃儵者似智詆人以盲諛導利以間親者似忠突梯  
脂膏先吾意為而將順之者似愛吾以為能而親之則  
困之圃也以為智而親之則盲之圃也以為忠而親之  
則欺之非也以為愛而親之則害之門也專聲者應而  
不窮故至能若拙沈晦者慮而克審故大智若愚利歸

於人義歸於我道人之善攻我之不善故至忠難合直而不阿切而不媚惟其是不惟其從故至愛難親求能於拙則才日廣而意暢求智於愚則見日崇而德立求忠於所不易合則過不掩而福日滋求愛於所不易親則羽翼衆而功日懋是故小川必宗大川小德必宗大德孟子曰以友天下之善士爲未足又尚論古之人是之謂善擇其宗猶滄浪之宗於海也及其至也人亦將宗我矣亦猶滄海之爲百川宗也陸朔居京師二年重出入慎交游從其師表子宗正讀書講道蓋業日加勤而德日加脩亦庶乎知所宗矣茲將別我而歸吾得無

眷眷焉哉雖然陸氏之多賢固吾鄴碩宗也吾何慮焉  
在慎取之而已矣

樵說

龍說

龍之異於物豈爲崢嶸嶄嶄疑頭角之殊哉奮於天水澤  
沸風霆轟嶽陸撼雲滃勃群植欣百恠伏茲其頭角形  
狀之爲之乎狀則雖不崢嶸嶄嶄疑其形吾見其異也蝦  
魚蛭蚓非龍之類與狀皆以欲蠶其生龍陽之精也不  
囿於形是以能神其靈或曰夏有秦龍氏能制龍而食  
之夫龍之有欲形雖殊蝦蟇之與歸不然呼吸變化固

當為造物者為宗雖百秦龍孰得而制之

石泉說

今山東憲長王公家於石泉之上樂而玩之人跣石泉  
先生說者曰天下之可玩者莫如水泉水之出也出於  
石靜不滯也吾嘗觀之矣將以為氣也則既可見也以  
為形也而不可執也其諸形氣之間乎無為也而無不  
可為也其諸動靜之全乎物無不容而毫髮莫能遁融  
坤泮渙而利又不能斷柔巽委和而悍夫不能禦坦夷  
虛窳而巧歷不能測其懿德之極乎澤物以為仁小大  
各充其量以為義漸而趨卑以為禮旁行而不括以為

智是故善體道者亦觀諸泉而已矣智者樂之其惟有  
悟於道也夫

奕說

吾內弟沈子同持奕者圖謁予爲之說予曰諾既而曰  
奕吾不知其爲用也蓋奕秋名其智數而李憇無以掩  
其愚謝安不誤摧秦而費禕終以賈其釁或曰隱者之  
所好也然林逋偶諸肩穢或曰儒生弗爲則陸九淵擬  
諸琴瑟夫心苟汨於事也則博塞以游與挾策讀書均  
足以亡羊夫苟不汨於物也則劉項輸贏不足屬念而  
况楸枰之上乎故曰勝固欣然敗亦可喜吾惟取其情

之適也若乃筭無遺策動必懾人亦祗足以喻吾用耳  
將謂無益乎而李泌取之甚悉將謂有用乎而先王之  
六藝弗載孟軻曰小數仲尼曰猶賢乎已是故奕吾不  
知其爲用也而亦不知其所始或曰堯作之丹朱受之  
夫曆象授時禦災憂民之日奚遑乎及此不然受堯之  
道者非禹也歟寸陰猶惜肯費景於斯乎

味菜說

汪君廷臣業舉子弗售菜羹蔬食充然若自得或譏其  
儉君曰儉吾以養德也予一日造其廬指壁間菜圖以  
示予志而予爲之說曰青哉汪君之知味乎夫人情處

澹泊則約習醲厚則肆約則善心生肆則欲心熾善福之  
基也欲殃之因也古之君子培其基撤其因列鼎在前  
不敢忘藿食焉故能與天下同其福不然褻履之耀甘  
膾之飫率是道也存者其幾矣是故日食萬錢至無遺  
育糠菽不贍而綿祚無窮焉天下之味薄者長醲者弗  
遐也岐伯曰膏粱之變足生大疔老子曰五味令人口  
爽荀卿子曰君子之啜菽飲水非愚也是節然也節大  
而人之所患去矣昔閔仲炾者食無菜周黨遺之生蒜  
受而不食汪君之味菜視仲炾則既侈矣易曰苦節不  
可貞仲炾之謂乎曰甘節吉其汪君之謂乎

菜菓圖說

何叔明氏之喪其母也菘而茹菜果禮也盧生鎮爲菜  
果圖以贈表之也表之也者世俗居喪不能皆合禮也  
而以風之云爾是故圖之作非舛明意也不然親死之  
謂何又因以爲名焉而天下其孰能歸之圖之作非舛  
明意也

同野說

象山王子子長英敏有文好學不懈嘗讀易至同人于  
野而有感焉廼自號曰同野而問說於用川子吾觀王  
子立朝朝士無遺議叅江藩江藩士民無遺色蓋庶直



強毅不以私交物推其志雖以同天下其可也。山川子  
雅重之爲之說曰地之夷曠而無險陂限隔者曰壅同  
人于壅大同也大同也者公無私也公無私則私而不  
隘周而不比是故同人貴于野也雖然物各殊其生也  
人心不同有如其面君子將惡乎同哉吾嘗觀諸天乎  
雷以動之物畢奮風以散之物畢解雨以潤之物畢說  
日以暉之物畢達物不同而性同雷風雨暘感而無不應  
公無私也雖然物性無鑿人性不能無鑿也是故私者  
多公者無幾也自其以私相與也雖同實異也君子則  
奚以同哉吾嘗稽諸人乎其爲不善也有所以陷溺之

者耳而其初則未或不善也曷明之以其好惡明之蓋  
于言性徵諸秉彜好德故言性者莫如孟子今夫人之  
不善盜為甚盜亦有見孝子而郵之者有遇廉吏而悅  
且敬之者秉彜好德盜且不昧焉人之性其誰曰不善  
性無不善則人無不同矣吾獨曷為乎支離其心蝕局  
其形軀眈眈一隅示小於天下為哉且易離交乾曰同  
人離明也乾健也君子文明以照之剛健以執之志以  
道寧言以道接貨色不以交諛佞不能惑不立町畦不  
施畛域近而不昵遠而不遺蕩蕩乎天下猶一家也物  
我猶一體也蓋得乎人性之同而極乎人情之好由是

以同天下而天下其孰能違之雖然有好有惡有予有奪有取有舍有生有殺夫亦革其不同以歸于同譬若風雷雨暘栽培傾覆固非生道而物自莫之違耳夫如是豈惟生而並世者與我同也前乎百世之上後乎百世之下將誰貳我同人于宗宗亦或離之同人于野拜巨天地而莫吾貳然則同人于野其諸同人于天乎

### 酸齋說

酸之爲味淡泊節縮乃儒家正味故世有儒酸之說濂溪先生不改儒酸之句所謂不變塞焉者非邪夫人於一切世味淡泊節縮則欲寡寡之又寡以至於無則聖

可學固先生之意也傳曰道形而上上天之載無聲無  
臭無極太極之說蓋出乎此人心一有所欲則與道爲  
二矣况其欲之多邪先生十三世孫博士君以酸名齋  
其志豈可量也嗟夫人莫不飲食也鮮能知味也業儒  
術者尚深味之

解

雨疇圖解

梁大用氏游郡膠有名志且在澤物嘗得吉夢為霖之  
兆既彰矣寤而色喜以雨疇自號俾善畫者繪以待徵  
或曰昔者霖雨在傳說高宗夢而圖焉訪之傅巖而置

諸左右未聞自爲之夢而圖之也爾川子曰不然君臣  
之相求一也氣作徵物固有動而之上亦有動而之而  
動而之上審其形動而之下審其德形不必皆說也德  
不可以不說德不說澤不溥且夫夢感有六二而徵應無  
恒人事脩夢固有所弗待

今天子盛德下睨商宗德果說庸知帝賚之符不錫於  
九重夢和之間乎夫如是審象旁求之日執斯圖爲左  
契其可也是故無惡於作也

考

禹產茂州考

按帝王世紀禹生石紐邑元和志石紐村禹所生處其地今名割兒畔華陽國志夷人營其地方百里不敢居牧有過逃其野中不敢追云畏禹神酈道元云廣柔縣有石紐鄉禹所生也郡人以禹六月六日生是日熏修裸享歲以爲常今按石紐鄉在汶川縣境禹廟在茂州東門內蓋蜀國傳自昌意娶蜀山氏女生帝嚳封其支庶於蜀斯禹之所目生也而或者以茂州爲冉龐地絕不通中國剃髮披毳蠢然若禽獸乃謂大禹生於此州豈有此理哉今按黃帝生昌意已娶蜀山氏女則蜀之通中國尚矣書稱岷山導江太史公以岷作汶汶山固

茂州地禹施功之所始也安在其不通中國耶且不獨  
禹產之陋也荆楚吳越之間在春秋時未知冠纓當時  
賢傑之產其地者何限也而况洪荒之世乎其在上古  
通天下皆草衣而木食蠢然若禽獸而羲農之神聖出  
焉夫剃髮披毳何害於生禹且禹鯀之子也惡父猶生  
聖子曾謂惡俗而不產聖人乎或者又謂巴縣有塗山  
而當塗壽州會稽皆有塗山未足爲據夫聖賢人所敬  
慕好事者之附會固不能無而終不得以贗而疑真也  
如舜生於諸馮其歷山百官山在唐晉之墟而關洛會  
稽之間亦皆有之詎可因是而謂爲汭非舜室蒲坂非

舜都平考之他書未有別言禹生某都某邑者其曰禹  
產汶山之石紐則譙周陳壽皇甫謐亦云而漢史亦載  
仲尼產東魯大禹出西羌其有所受之矣

議

處置經費議

切照國本惟民民貧惟食昔富文忠公使虜之功與日  
月爭輝而歆然怕不自滿及活青州饑民數十萬則每  
自言曰過於作中書二十四考蓋重民生而急荒政如  
此湖廣地方素號薄瘠逆瑾用事之後官吏並緣侵剋  
而民困益甚今又連年水潦十室不止九空入冬以來



積雪凝寒饑殍相望民生艱阨莫甚今日賑濟之舉政務莫先今將合行事宜理合開坐關報煩爲轉達施行

一曰賑濟宜急蓋湖廣鄉民大率草屋僛然旁無四隣空乏之時無從假貸民既絕粒不數日死矣是不可緩

一也湖廣地里廣遠由鄉邨入州縣或數百里方春土膏將作稍遲則東作有妨是不可緩二也

二曰給散宜併蓋地里既遠鄉村之民裹糧求濟故以數月所給併散一時則民居遠者勞費之與所得僅足相當若月一給之則不償所失矣或曰愚民不知檢制朝得暮盡不宜併散夫朝得暮盡者弊民也弊民必日

給之而後可月給之亦未見其爲益而良民且受困矣  
是固不可以弊民之故妨良民也

三曰便法以利民蓋賑濟之法勢不能詳富勢之請求  
吏胥之賣法嚴明如包孝肅賢達如杜祁公未免受其  
欺給今除一應稅糧已蒙蠲免外其王府祿米及軍士  
月糧不可停止者扣筭某縣若干即將賑濟銀兩照數  
支給免其徵催而因以爲賑濟之數則上無督責之勞  
而民得以坐受實惠法之甚便者也

四曰興利以救民饑歲興工希文舊法但吳杭地窄民  
稠就役之民出門得利以此法可行今若以凝寒之日

役民於數百里外而守令之賢又未必如希文則未知其可行與否爲今之計莫若擇委廡幹官負踏看某圩院該修築若干丈合用人夫若干工每一院中擇委田地最多富而有力者數人責令召集本院之民併力修築田多食充者自備工食田少乏食者每人日給米一升五合則貧者利於得食富者利於得田人情樂趨而爲利亦無窮矣